



INSTITUTE OF ANCIENT  
NEAR EASTERN STUDIES  
Charles University  
Prague

መጽሐፈ:ሄኖክ::

# The Book of Enoch

Book III  
The Astronomical Book

Electronic edition of Ethiopic text  
prepared by Michal Jerabek

THIS TEXT CANNOT BE SOLD UNDER ANY CIRCUMSTANCES.

Library of Ethiopian Texts, <http://anes235-1.ff.cuni.cz>, Prague

© Michal Jerabek, Prague 1995

## Copyright Notice:

1995 Library of Ethiopian Texts, created and maintained by Michal Jerabek, Prague. Permission to use, copy, and distribute this text, for any NONCOMMERCIAL purpose is hereby granted without fee, provided that the copyright notice and this permission notice appear in all copies of this text. This text cannot be sold under any circumstances.

## Preface:

This e-text is based on: A.Dillmann's *Liber Henoch aethiopice, ad quinque codicum fidem editus cum variis lectionibus*, Leipzig, 1851.

Please, report any error in Ethiopic text to  
[michal.jerabek@ff.cuni.cz](mailto:michal.jerabek@ff.cuni.cz).

Leave you e-mail address and you will be prompted after the corrections are made so that you can upload corrected version.

Comments are welcome.

ምዕራፍ፡ ፲፫ ።

ክፍል፡ ፸፪ ።

መጽሐፈ ፡ ሚጠተ ብርሃናተ ፡ ሰማይ ፡ ፩፩ ዘከመ ፡ ሀለው ፡ በበሕዝቢሆሙ ፡ ፩፩  
በበሥልጣኖሙ ፡ ወበበዘመኖሙ ፡ ፩፩ በበሰሞሙ ፡ ወሙሳዳቲሆሙ ፡ ወበበ ፡ እውራሂሆሙ ፡  
እለ ፡ አርአዮሊ ፡ ኡርኤል ፡ መልአክ ፡ ቅዱስ ፡ ዘሀለሙ ፡ ምስሌዮ ፡ ዘውእቱ ፡ መራሒሆሙ ፡  
ወኩሎ ፡ መጽሐፎሙ ፡ በከመ ፡ ውእቱ ፡ አርአዮሊ ፡ ወበከመ ፡ ኩሎ ፡ ዓመተ ፡ ዓለም ፡  
ወእስከ ፡ ለዓለም ፡ እስከ ፡ ይትገበር ፡ ግብር ፡ ሐዲስ ፡ ዘይኑብር ፡ እስከ ፡ ለዓለም ።  
ወዝንቱ ፡ ውእቱ ፡ ትእዛዝ ፡ ቀዳማዊ ፡ ዘብርሃናት ፡ ፀሐይ ፡ ብርሃን ፡ ሙፃኡ ፡ በኅዋሳወ ፡  
ሰማይ ፡ እለ ፡ መንገለ ፡ ጽባሕ ፡ ወምዕራቢሁ ፡ በኅዋሳወ ፡ ሰማይ ፡ ዘምዕራብ ።  
ወርኢኩ ፡ ስሱ ፡ ኅዋሳወ ፡ እለ ፡ እምኅብ ፡ ይወፅእ ፡ ፀሐይ ፡ ወስሱ ፡ ኅዋሳወ ፡ ኅብ ፡ የዐርብ ፡  
ፀሐይ ፡ ወወርኅ ፡ በውእቶን ፡ ኅዋሳወ ፡ ይሠርቅ ፡ ወየዐርብ ፡ ወመራሒሆሙ ፡  
ለከዋክብት ፡ እስለ ፡ እለ ፡ ይመርሕዎሙ ፡ ፮ በጽባሕ ፡ ወ ፯ በምዕራብ ፡ ፀሐይ ፡ ወኩሎሙ ፡  
፩፩ እምድኅረ ፡ ካልኡ ፡ ርቱዕ ፡ ወመሳክው ፡ ብዙኃት ፡ እምኖሚኑ ፡ ወእምፀጋሙ ፡ ለዝኩ ፡  
ኖሳት ።  
ወቀዳሚ ፡ ይወፅእ ፡ ብርሃን ፡ ዘየዐቢ ፡ ዘስሙ ፡ ፀሐይ ፡ ወክበቡ ፡ ከመ ፡ ክበብ ፡ ሰማይ ፡  
ወኩሎንታሁ ፡ እሉእ ፡ እሳተ ፡ ዘያበርህ ፡ ወያውዒ ።  
ሰረገላተ ፡ በኅብ ፡ የዐርግ ፡ ነፋስ ፡ ይነፍሕ ፤ ወየዐርብ ፡ ፀሐይ ፡ እምሰማይ ፡ ወይገብእ ፡  
እንተ ፡ መስዕ ፡ ከመ ፡ ይሁር ፡ እሥራቀ ፡ ወይትመራሕ ፡ ከመ ፡ ይባእ ፡ ኅብ ፡ ዝኩ ፡ ኖሳት ፡  
ወያበርህ ፡ በገጸ ፡ ሰማይ ።  
ከመዝ ፡ ይወፅእ ፡ በወርኅ ፡ ቀዳማዊ ፡ በኖሳት ፡ ዐባይ ፡ ወይወፅእ ፡ እንተ ፡ ይእቲ ፡ ራብዕት ፡  
እምእልኩ ፡ ኅዋሳወ ፡ ፰ እለ ፡ መንገለ ፡ ምሥራቀ ፡ ፀሐይ ።  
ወበይእቲ ፡ ራብዕት ፡ ኖሳት ፡ እንተ ፡ እምኔሃ ፡ ይወፅእ ፡ ፀሐይ ፡ በወርኅ ፡ ቀዳማዊ ፡ ባቲ ፡  
ዐሥሩ ፡ ወክልኤ ፡ መሳክው ፡ ርኅዋት ፡ ዘእምኔሆን ፡ ይወፅእ ፡ ሳብህ ፡ ሰብ ፡ ይትረኅው ፡  
እምዘመኅ ፡ ዚእሆሙ ።  
ሰብ ፡ ይሠርቅ ፡ ፀሐይ ፡ እምሰማይ ፡ ይወፅእ ፡ እንተ ፡ ይእቲ ፡ ራብዕት ፡ ኖሳት ፡ ፴ ጽባሕ ፡  
ወበራብዕት ፡ ኖሳት ፡ እንተ ፡ እዕራብ ፡ ሰማይ ፡ ርቱዕ ፡ ይወርድ ።  
ወበእማንቱ ፡ መዋዕል ፡ ትኅውኅ ፡ ዕለት ፡ እምዕለት ፡ ወተኅጽር ፡ ሌሊት ፡ እምሌሊት ፡ እስከ ፡  
፴ ጽባሕ ።  
ወበይእቲ ፡ ዕለት ፡ ትኅውኅ ፡ ካዕበተ ፡ ዕለት ፡ እምሌሊት ፡ ወትከውን ፡ ዕለት ፡ ጥንቁቅ ፡ ፲  
ክፍለ ፡ ወትከውን ፡ ሌሊት ፡ ፰ ክፍለ ።  
ወይወፅእ ፡ ፀሐይ ፡ እምዝኩ ፡ ራብዕ ፡ ኖሳት ፡ ወየዐርብ ፡ በራብዕት ፡ ወይገብእ ፡ ውስተ ፡  
ኃምስት ፡ ኖሳት ፡ እንተ ፡ ጽባሕ ፡ ፴ ጽባሕ ፡ ወይወፅእ ፡ እምኔሃ ፡ ወየዐርብ ፡ ውስተ ፡  
ኃምስት ፡ ኖሳት ።  
አሜሃ ፡ ይኅውኅ ፡ ዕለት ፡ ፰ እደ ፡ ወትከውን ፡ ዕለት ፡ ፲ ወ ፩ ክፍለ ፡ ወተኅጽር ፡ ሌሊት ፡  
ወትከውን ፡ ፯ ክፍለ ።  
ወይገብእ ፡ ፀሐይ ፡ ለጽባሕ ፡ ወይበውእ ፡ ውስተ ፡ ሳድስት ፡ ኖሳት ፡ ወይወፅእ ፡ ወየዐርብ ፡  
በሳድስት ፡ ኖሳት ፡ ፴ ወ ፩ ጽባሕ ፡ በእንተ ፡ ትእምርተ ፡ ዚእሃ ።  
ወበይእቲ ፡ ዕለት ፡ ትኅውኅ ፡ ዕለት ፡ እምሌሊት ፡ ወትከውን ፡ ዕለት ፡ ካዕበተ ፡ ሌሊት ፡  
ወትከውን ፡ ዕለት ፡ ፲ ወ ፪ ክፍለ ፡ ወተኅጽር ፡ ሌሊት ፡ ወትከውን ፡ ፰ ክፍለ ።  
ወይትኅሃእ ፡ ፀሐይ ፡ ከመ ፡ ትኅጽር ፡ ዕለት ፡ ወትኅኅ ፡ ሌሊት ፡ ወይገብእ ፡ ፀሐይ ፡ ለጽባሕ ፡  
ወይበውእ ፡ ውስተ ፡ ሳድስት ፡ ኖሳት ፡ ወይሠርቅ ፡ እምኔሃ ፡ ወየዐርብ ፡ ፴ ጽባሕ ።  
ወሰብ ፡ ተፈጸመ ፡ ፴ ጽባሕ ፡ ተሐፅፅ ፡ መዓልት ፡ ፩ ክፍለ ፡ ጥንቁቅ ፡ ወትከውን ፡ ዕለት ፡ ፲ ወ  
፩ ክፍለ ፡ ወሌሊት ፡ ፯ ክፍለ ።  
ወይወፅእ ፡ ፀሐይ ፡ እምኅ ፡ እዕራብ ፡ እምይእቲ ፡ ሳድስት ፡ ኖሳት ፡ ወየሐውር ፡ እሥራቀ ፡  
ወይሠርቅ ፡ በኃምስ ፡ ኖሳት ፡ ፴ ጽባሕ ፡ ወየዐርብ ፡ በምዕራብ ፡ ካዕበ ፡ በኃምስ ፡ ኖሳት ፡  
እንተ ፡ እዕራብ ።  
በይእቲ ፡ ዕለት ፡ ተሐፅፅ ፡ ዕለት ፡ ፪ ክፍለ ፡ ወትከውን ፡ ዕለት ፡ ፲ ክፍለ ፡ ወሌሊት ፡ ፰ ክፍለ ።

ወይወጽኦ፡ፀሐይ፡እምደእቲ፡ኃምስ፡ኖኅት፡ወቦርብ፡በኃምስ፡ኖኅት፡እንተ፡  
 እዕራብ፡ወይሠርቅ፡በራብዕት፡ኖኅት፡በእንተ፡ትእምርተ፡ዚእሃ፡፴ ወ ፩ ጽባሐ፡  
 ወቦርብ፡በምዕራብ፡።  
 በይእቲ፡ዕለት፡ይትዔረይ፡መዓልት፡እስለ፡ሌሊት፡ወይከውን፡ዕሩ፡ወትከውን፡  
 ሌሊት፡፱ ክፍለ፡ወመዓልት፡፱ ክፍለ፡።  
 ወይወጽኦ፡ፀሐይ፡እምደእቲ፡ኖኅት፡ወቦርብ፡በምዕራብ፡ወይገብእ፡በጽባሐ፡  
 ወይወጽኦ፡በሣልስት፡ኖኅት፡፴ ጽባሐ፡ወቦርብ፡በምዕራብ፡በሣልስት፡ኖኅት፡።  
 ወበይእቲ፡ዕለት፡ትካውኅ፡ሌሊት፡እምዕለት፡እስከ፡፴ ጽባሐ፡ወተኅጽር፡ዕለት፡  
 እምዕለት፡እስከ፡፴ ዕለት፡ወትከውን፡ሌሊት፡፲ ክፍለ፡ጥንቁቅ፡ወመዓልት፡፰ ክፍለ፡።  
 ወይወጽኦ፡ፀሐይ፡እምደእቲ፡ሣልስት፡ኖኅት፡ወቦርብ፡በሣልስት፡ኖኅት፡በዐረብ፡  
 ወይገብእ፡ውስተ፡እሥራቅ፡ወይወጽኦ፡ፀሐይ፡ውስተ፡ካልእ፡ኖኅተ፡እሥራቅ ፴  
 ጽባሐ፡ወከመዝ፡ቦርብ፡በካልእ፡ኖኅት፡በምዕራብ፡ሰማይ፡።  
 ወበይእቲ፡ዕለት፡ትከውን፡ሌሊት፡፲ ወ ፩ ክፍለ፡ወዕለት፡፯ ክፍለ፡።  
 ወይወጽኦ፡ፀሐይ፡በይእቲ፡ዕለት፡እምደእቲ፡ካልእት፡ኖኅት፡ወቦርብ፡በምዕራብ፡  
 በካልእ፡ኖኅት፡ወይገብእ፡በምሥራቅ፡በካሐቲ፡ኖኅት፡፴ ወ ፩ ጽባሐ፡ወቦርብ፡  
 በምዕራብ፡በካሐቲ፡ኖኅት፡።  
 ወበይእቲ፡ዕለት፡ትካውኅ፡ሌሊት፡ወትከውን፡ካዕብታ፡ለመዓልት፡ወትከውን፡ሌሊት፡  
 ፲ ወ ፪ ክፍለ፡ጥንቁቅ፡ወመዓት፡፯ ክፍለ፡።  
 ወፈጸመ፡ፀሐይ፡ኦርእስቲሁ፡ወ ዳግመ፡ቦወድ፡ዲብ፡እሉ፡ኦርእስቲሁ፡ወይበውእ፡  
 በውእቱ፡ኖኅት፡፴ ጽባሐ፡ወበምዕራብ፡በኦንጸሪሁ፡ቦርብ፡።  
 ወበይእቲ፡ዕለት፡ተኅጽር፡ሌሊት፡እምኑኃ፡፩እደ፡ዝውእቱ፡ክፍል፡፩ ወትከውን፡፲  
 ወ ፩ ክፍለ፡ወመዓልት፡፯ ክፍለ፡።  
 ወገብእ፡ፀሐይ፡ወቦእ፡ውስተ፡ካልእ፡ኖኅት፡እንተ፡እሥራቅ፡ወይገብእ፡ዲብ፡ዝኩ፡  
 ኦርእስቲሁ፡፴ ጽባሐ፡ይሠርቅ፡ወቦርብ፡።  
 ወበይእቲ፡ዕለት፡ተኅጽር፡ሌሊት፡እምኑኃ፡ወትከውን፡ሌሊት፡፲ ክፍለ፡ወመዓልት፡  
 ፰ ክፍለ፡።  
 ወበይእቲ፡ዕለት፡ይወጽኦ፡ፀሐይ፡እምደእቲ፡ካልእት፡ኖኅት፡ወቦርብ፡በምዕራብ፡  
 ወይገብእ፡ምሥራቅ፡ወይሠርቅ፡በሣልስ፡ኖኅት፡፴ ወ ፩  
 ጽባሐ፡ወቦርብ፡በምዕራብ፡ሰማይ፡።  
 ወበይእቲ፡ዕለት፡ተከፅፅ፡ሌሊት፡ወትከውን፡፱ ክፍለ፡ወዕለት፡ትከውን፡፱ ክፍለ፡  
 ወይትዔረይ፡ሌሊት፡እስለ፡መዓልት፡ወይከውን፡ዓመት፡ጥንቁቅ፡መዋዕለ፡፫፻ ወ ፰  
 ወረብዐ፡።  
 ወኑኃ፡ለዕለት፡ወለሌሊት፡ወኅጸራ፡ለዕለት፡ወለሌሊት፡በምሕዋረ፡ፀሐይ፡ውእቱ፡  
 ይትሌለይ፡።  
 በእንቲአሁ፡ይካውኅ፡እሕዋሪሁ፡ዕለት፡እምዕለት፡ወሌሊት፡እምሌሊት፡ይቀርብ፡።  
 ወዝውእቱ፡ትእዘዙ፡ወምሕዋሩ፡ለፀሐይ፡ወምግባኡ፡ሰባ፡ይገብእ፡ለእንተ፡፰  
 ይገብእ፡ወይወጽኦ፡ዘውእቱ፡ብርሃን፡ዐቢይ፡ዘለዓለም፡ዘይሰመይ፡ፀሐየ፡ለዓለም፡  
 ዓለም፡።  
 ወዝንቱ፡ውእቱ፡ዘይወጽኦ፡ብርሃን፡ዐቢይ፡ዘይሰመይ፡በኦርኦ፡ዚአሁ፡በከመ፡አዘዘ፡  
 እግዚእ፡።  
 ወከመዝ፡ይወጽኦ፡ወይበውእ፡ወኢየሐፅ፡ወኢቦርፍ፡አላ፡ይረውጽ፡መዓልተ፡  
 ወሌሊተ፡በሰረገላ፡ወብርሃን፡ዚአሁ፡፯እደ፡ያበርህ፡እምዘወርኅ፡ወአምግኒሆሙ፡ለ  
 ፪ኤሆሙ፡ዘውግ፡።

ምዕራፍ፡ ፲፬፡፡

ክፍል፡ ፸፫፡፡

ወደኅጌሁ፡ ለዝ፡ ትእዛዝ፡ ርኢኩ፡ ካልኦ፡ ትእዛዝ፡ ለብርሃን፡ ንኡስ፡ ዘሰሙ፡ ወርኅ፡፡  
 ወክበቡ፡ ከመ፡ ክበበ፡ ሰማይ፡ ወሰረገላ፡ ዚአሁ፡ በኅበ፡ ይጸኡን፡ ነፋስ፡ ይነፍሳ፡  
 ወበመስፈርት፡ ይትወሀብ፡ ሎቱ፡ ብርሃን፡፡  
 ወበኩሎ፡ ወርኅ፡ ሙጸኢሁ፡ ወሙባኢሁ፡ ይትዌለጥ፡ ወመዋዕሊሁ፡ ከመ፡ መዋዕለ፡  
 ፀሐይ፡ ወሶበ፡ ይኤሪ፡ ከዊነ፡ ብርሃኑ፡ ይከውን፡ ብርሃኑ፡ ሳብዓዮ፡ እደ፡ እምብርሃን፡  
 ፀሐይ፡ ወከመዝ፡ ይሠርቅ፡፡  
 ወርእሱ፡ ዘመንገለ፡ ጽባሕ፡ ይወጽእ፡ በ፴ ጽባሕ፡ ወበይእቲ፡ ዕለት፡ ያስተርኢ፡  
 ወይከውን፡ ለክሙ፡ ርእሰ፡ ወርኅ፡ ፴ ጽባሕ፡ እስለ፡ ጸሐይ፡ በኖሳት፡ እንተ፡ ይወጽእ፡  
 ፀሐይ፡፡  
 ወመንፈቅ፡ ርኑቅ፡ ፯ እደ፡ ፩ ወኩሎ፡ ክበበ፡ ዚአሁ፡ በክ፡ ዘክልቦ፡ ብርሃን፡ ዘእንበለ፡  
 ሳብዒት፡ እደ፡ ዚአሁ፡ እም፡ ፲ ወ ፬ እደ፡ ብርሃኑ፡፡  
 ወበዕለተ፡ ይነሥእ፡ ሳብዓዮ፡ እደ፡ ወመንፈቅ፡ ብርሃኑ፡ ይከውን፡ ብርሃኑ፡ ፯ ወ ፯ እደ፡  
 ኦሐቲ፡ ወመንፈቅ፡ የዐርብ፡ እስለ፡ ጸሐይ፡፡  
 ወሶበ፡ ይሠርቅ፡ ጸሐይ፡ ይሠርቅ፡ ወርኅ፡ ምስሌሁ፡ ወይነሥእ፡ መንፈቅ፡ እደ፡ ብርሃን፡  
 ወበይእቲ፡ ሌሊት፡ በርእሰ፡ ጽባሕ፡ ዚአሁ፡ በቅድመ፡ ዕለቱ፡ ለወርኅ፡ የዐርብ፡ ወርኅ፡  
 ምስለ፡ ጸሐይ፡ ወይጸልም፡ በይእቲ፡ ሌሊት፡ ፯ ወ ፯ እደ፡ ወንፍቃ፡፡  
 ወይሠርቅ፡ በይእቲ፡ ዕለት፡ ሳብዓዮ፡ እደ፡ ጥንቁቅ፡ ወይወጽእ፡ ወይጸንን፡ እምሥራቅ፡  
 ጸሐይ፡ ወያበርህ፡ በተረፈ፡ ዕለቱ፡ ፯ ወ ፯ እደ፡፡

ክፍል፡ ፸፬፡፡

ወካልኦ፡ እሕዋሪ፡ ወትእዛዝ፡ ርኢኩ፡ ሎቱ፡ እንተ፡ በውእቱ፡ ትእዛዝ፡ ይገብር፡ እሕዋሮ፡  
 ዘአውራሳ፡፡  
 ወኩሎ፡ ኦርኦሮ፡ ኡርኤል፡ መልክክ፡ ቅዱስ፡ ዘውእቱ፡ መራኅሆሙ፡ ለኩሎሙ፡  
 ወምንባሪሆሙ፡ ጸሐፍኩ፡ በከመ፡ ኦርኦሮ፡ ወጸሐፍኩ፡ አውራኅሆሙ፡ በከመ፡ ሀለው፡  
 ወርእዮ፡ ብርሃኖሙ፡ እስከ፡ ተፈጸመ፡ ፲ ወ ፭ መዋዕል፡፡  
 በ፩፡ ፯፯ እደ፡ ይፌጽም፡ ኩሎ፡ ብርሃኖ፡ በምሥራቅ፡ ወበበ፡ ፯፯ እደ፡ ይፌጽም፡ ኩሎ፡  
 ጽልመቶ፡ በምዕራብ፡፡  
 ወበአውራሳ፡ እሙራት፡ ይዌልጥ፡ እዕራብተ፡ ወበአውራሳ፡ እሙራት፡ የሐውር፡  
 እሕዋሪሁ፡ ፩፩፡፡  
 ወበ፪ ወርኅ፡ የዐርብ፡ እስለ፡ ጸሐይ፡ በእሎ፡ ፪ ኅዋሳው፡ እለ፡ በማእከል፡ በሣልስ፡  
 ወበራብዕ፡ ኖሳት፡፡  
 ይወጽእ፡ ፯ መዋዕለ፡ ወየአውድ፡ ወይገብእ፡ ካዕበ፡ በኖሳት፡ እንተ፡ ይወጽእ፡ ፀሐይ፡፤  
 ወበውእቱ፡ ይፌጽም፡ ኩሎ፡ ብርሃኖ፡ ወይጸንን፡ እምጸሐይ፡ ወይበውእ፡ ሰሙነ፡  
 መዋዕለ፡ በሳድስት፡ ኖሳት፡ እንተ፡ እምኔሃ፡ ይወጽእ፡ ጸሐይ፡፡  
 ወሶበ፡ ይወጽእ፡ ጸሐይ፡ እምራብዕት፡ ኖሳት፡ ይወጽእ፡ ሰቡዕ፡ መዋዕለ፡ እስከ፡ ይወጽእ፡  
 እምነ፡ ኃምስት፡ ወካዕበ፡ ይገብእ፡ ሰብዕ፡ መዋዕለ፡ በኖሳት፡ ራብዕ፡ ወይፌጽም፡ ኩሎ፡  
 ብርሃኖ፡ ወይጸንን፡ ወይበውእ፡ በቀዳሚት፡ ኖሳት፡ ሰሙነ፡ መዋዕለ፡፡  
 ወካዕበ፡ ይገብእ፡ ሰቡዕ፡ መዋዕለ፡ በራብዕት፡ ኖሳት፡ እንተ፡ እምኔሃ፡ ይወጽእ፡ ጸሐይ፡፡  
 ከመዝ፡ ርኢኩ፡ እንባሮሙ፡ በከመ፡ ሥርዐተ፡ አውራኅሆሙ፡ ይሠርቅ፡ ወየዐርብ፡  
 ጸሐይ፡፡  
 ወበእማንቱ፡ መዋዕል፡ ይትዌሰክ፡ ፭ ዓመት፡ ወይበጽሐ፡ ለጸሐይ፡ ፴ መዋዕል፡  
 ወኩሎሙ፡ መዋዕላት፡ ይበጽሕዎ፡ ለ ፩ ዓመት፡ እምእልኩ፡ ፭ ዓመት፡ ተመሊኦሙ፡  
 ይከውኑ፡ ፫፫ ወ ፰ ወ ፬ መዋዕለ፡፡  
 ወይበጽሐ፡ እብጸሐሆሙ፡ ለጸሐይ፡ ወለከዋክብት፡ ሰቡ፡ መዋዕል፡ እም፡ ፭ ዓመታት፡  
 በበሰቡ፡ ይበጽሐሙ፡ ፴ ዕለት፡ ወየሐጽጽ፡ እምፀሐይ፡ ወእምከዋክብት፡ ወርኅ፡ ፴  
 መዋዕለ፡፡

ወወርኅ፡ ያመጽኦሙ፡ ለዓመታት፡ ጥንቁቅ፡ ኩሎሙ፡ ከመ፡ እንባሮሙ፡ ለዓለም፡  
ኢይበድሩ፡ ወኢይዴግሩ፡ አሐተ፡ ዕለተ፡ አላ፡ ይዌልጡ፡ ዓመተ፡ በጽድቅ፡ ጥንቁቅ፡ በበ  
፫፫ ወ፮ ወ፩ መዋዕል።

ለ፫ ዓም፡ መዋዕሊሁ፡ ፲፫ ወ ፲ ወ ፪ ወ ለ ፭ ዓመት፡ ፲ ወ ፰፫ ወ ፳ መዋዕል፡ ከመ፡ ይኩን፡ ለ  
፰ ዓመት፡ ፳ ወ ፱፫ ወ ፲ ወ ፪ መዋዕል።

ለወርኅ፡ ለባሕቲቱ፡ ይበጽሕ፡ መዋዕሊሁ፡ ለ፫ ዓም፡ ፲፫ ወ ፰ ወ ፪ መዋዕል፡ ወ ለ ፭  
ዓመት፡ የሐፅፅ፡ ፶ መዋዕል፡ እስመ፡ በጸሐቱ፡ ይትዌሰክ፡ ዲበ፡ ፰ ወ ፪ መዋዕል።

ወይከውን፡ ለ ፭ ዓም፡ ፲ ወ ፯፫ ወ ፫ መዋዕል፡ ከመ፡ ይኩን፡ ለወርኅ፡ ለ ፰ ዓመት፡  
መዋዕሊሁ፡ ፳፫ ወ ፰፫ ወ ፱ ወ ፪ መዋዕል።

እስመ፡ ሕፃን፡ ለ ፰ ዓመት፡ መዋዕሊሁ፡ ፹ ወ ኩሎሙ፡ መዋዕል፡ ዘሐፀፀ፡ እም፡ ፰ ዓም፡  
መዋዕል፡ ፹።

ወይትፌጸም፡ ዓመት፡ በጽድቅ፡ በከመ፡ መንበረ፡ ዚአሆሙ፡ ወመንበረ፡ ጸሐይ፡ እለ፡  
ይሠርቁ፡ እምነ፡ ጥኅት፡ እለ፡ እምኔሆሙ፡ ይሠርቅ፡ ወየዐርብ፡ መዋዕል፡ ፴።

ክፍል፡ ፫፮።

ወመራኅያሊሆሙ፡ ለአርእስተ፡ አእላፍ፡ እለ፡ ዲበ፡ ኩሎ፡ ፍጥረት፡ ወዲበ፡ ኩሎ፡  
ከዋክብት፡ ወምስለ፡ ፬እለ፡ ይትዌሰኩ፡ ወኢይትሌለዩ፡ እምንባሮሙ፡ በከመ፡ ኩሎ፡  
ሐሳብ፡ ዓመት፡ ወእሎ፡ ይትቀነዩ፡ ፬ መዋዕል፡ እለ፡ ኢይትሐሰቡ፡ በሐሳብ፡ ዓመት።

ወበእንቲአሆሙ፡ ይጌግዩ፡ ቦሙ፡ ሰብእ፡ እስመ፡ እሙንቱ፡ ብርሃናት፡ ይትቀነዩ፡ በጽድቅ፡  
በምንባረ፡ ዓለም፡ ፩ በቀዳሚ፡ ጥኅት፡ ወ ፩ በሣልስ፡ ጥኅት፡ ወ ፩ በራብዕ፡ ጥኅት፡ ወ ፩  
በሳድስ፡ ጥኅት፡ ወይትፌጸም፡ ጥንቃቄ፡ ዓለም፡ በበ፫፫ ወ ፰ ወ ፩ መንበረ፡ ዓለም።

እስመ፡ ለትእምርት፡ ወለአዝማን፡ ወለዓመታት፡ ወለመዋዕል፡ አርአዮሊ፡ ኡርኤል፡  
መልአክ፡ ዘአንበሮ፡ እግዚአ፡ ሰብሐት፡ ዘለዓለም፡ ዲበ፡ ኩሎሙ፡ ብርሃናተ፡ ሰማይ፡  
በሰማይ፡ ወበዓለም፡ ከመ፡ ይምልኩ፡ በገጸ፡ ሰማይ፡ ወይትረአዩ፡ ዲበ፡ እድር፡ ወይኩኑ፡

መራኅያነ፡ ለመዓልት፡ ወለሌሊት፡ ፀሐይ፡ ወወርኅ፡ ወከዋክብት፡ ወኩሎ፡ ቅንዖታት፡  
እለ፡ የአውዱ፡ በኩሎሙ፡ ሰረገላተ፡ ሰማይ።

ከመዝ፡ ፲ ወ ፪ ጥዋኅወ፡ ርኅዋተ፡ አርአዮሊ፡ ኡርኤል፡ በክበብ፡ ሰረገላት፡ ዘጸሐይ፡ በሰማይ፡  
እለ፡ እምኔሆሙ፡ ይወጽኡ፡ እገሪሃ፡ ለጸሐይ፡ ወእምኔሆሙ፡ ይወጽእ፡ ሞቅ፡ ዲበ፡  
ምድር፡ ሰብ፡ ይትረኅው፡ በአዝማን፡ እለ፡ እሙራን፡ ቦሙ።

ወለነፋሳት፡ ወለመንፈሰ፡ ጠል፡ ሰብ፡ ይትረኅው፡ በአዝማን፡ ርኅዋተ፡ በሰማይት፡ ዲበ፡  
አጽናፍ።

፲ ወ ፪ ጥዋኅወ፡ ርኅኩ፡ በሰማይ፡ በአጽናፈ፡ እድር፡ እለ፡ እምኔሆሙ፡ ይወጽኡ፡ ፀሐይ፡  
ወወርኅ፡ ወከዋክብት፡ ወኩሎ፡ ግብራተ፡ ሰማይ፡ እምነ፡ እሥራቅ፡ ወእምነ፡ እዕራብ።

ወመሳክው፡ ርኅዋት፡ ብዙኃት፡ እምፀጋሙ፡ ወእምየማኑ፡ ወአሐቲ፡ መስኮት፡ በዘመነ፡  
ዚአሃ፡ ታመውቅ፡ ሞቅ፡ ዘከመ፡ እልኩ፡ ጥዋኅው፡ እለ፡ ይወጽኡ፡ እምኔሆሙ፡ ከዋክብት፡  
በከመ፡ አዘዞሙ፡ ወእለ፡ ቦሙ፡ የዐርቡ፡ በከመ፡ ጥራቆሙ።

ወርኅኩ፡ ሰረገላተ፡ በሰማይ፡ እንዘ፡ ይረውፀ፡ በዓለም፡ እመልዕልቶሙ፡  
ወእመትሐቶሙ፡ ለእልኩ፡ ጥዋኅው፡ እለ፡ ቦሙ፡ ይትመየጡ፡ ከዋክብት፡ እለ፡ ኢየዐርቡ።  
ወ ፩ የዐብዮሙ፡ ለኩሎሙ፡ ወውእቱ፡ የአውድ፡ ለኩሎ፡ ዓለም።

ምዕራፍ፡ ፲ ወ ፭።

ክፍል፡ ፫፯።

ወበአጽናፈ፡ እድር፡ ርኅኩ፡ ፲ ወ ፪ ጥዋኅወ፡ ርኅዋተ፡ ለኩሎሙ፡ ነፋሳት፡ እለ፡  
እምኔሆሙ፡ ይወጽኡ፡ ነፋሳት፡ ወይነፍሱ፡ ዲበ፡ እድር።  
፫እምኔሆሙ፡ ርኅዋት፡ በገጸ፡ ሰማይ፡ ወ ፫ በምዕራብ፡ ወ ፫ በየማነ፡ ሰማይ፡ ወ ፫ በፀጋም።  
ወ ፫ ቀዳምያት፡ እለ፡ መንገለ፡ ጽባሕ፡ ወ ፫ መንገለ፡ መስዕ፡ ወ ፫ በድኅር፡ እለ፡ በጸጋም፡  
ለመንገለ፡ አዜብ፡ ወ ፫ በዓረብ።

በ፩እምኔሆሙ፡ ይወጽኡ፡ ነፋሳተ፡ በረከት፡ ወሰላም፡ ወእምእልኩ፡ ጁ ይወጽኡ፡ ነፋሳተ፡ መቅሠፍት፡ ሰበ፡ ይትፈነው፡ ይደመስስዋ፡ ለኩላ፡ ምድር፡ ወለማይ፡ ዘዲቤሃ፡ ወለኩሎሙ፡ እለ፡ የኅድፉ፡ ዲቤሃ፡ ወኩሎ፡ ዘሀሎ፡ ውስተ፡ ማይ፡ ወዲቤ፡ የብስ። ወይወጽእ፡ ቀዳማይ፡ ነፋስ፡ እምእልኩ፡ ኅዋኅው፡ ዘስሙ፡ ጽዔይ፡ በቀዳሚት፡ ጥኅት፡ እንተ፡ መንገለ፡ ጽባሕ፡ እንተ፡ ታጸንን፡ ለአኩብ፡ ይወጽእ፡ እምኔሃ፡ ድምሳሴ፡ የብስ፡ ወሞቅ፡ ወሐጉል።

ወበካልእት፡ ጥኅት፡ ማእከላይት፡ ይወጽእ፡ ርትዕ፡ ወይወጽእ፡ እምኔሃ፡ ዝናም፡ ወፍሬ፡ ወሰላም፡ ወጠል፤ ወበሣልስት፡ ጥኅት፡ እንተ፡ መንገለ፡ መስዕ፡ ይወጽእ፡ ቀር፡ ወየብስ። ወእምድኅረ፡ እሉ፡ ነፋሳት፡ በመንገለ፡ አኩብ፡ ይወጽእ፡ በ፫ ጥኅት፤ ቀዳምያት፡ በቀዳሚት፡ ጥኅት፡ እምኔሆን፡ እንተ፡ ትጸንን፡ ለመንገለ፡ ምሥራቅ፡ ይወጽእ፡ ነፋስ፡ ሞቅ።

ወበጥኅት፡ እንተ፡ ኅቤሃ፡ ማእከላይት፡ ይወጽእ፡ እምኔሃ፡ መዐዛ፡ ሠናይ፡ ወጠል፡ ወዝናም፡ ወሰላም፡ ወሕይወት።

ወበሣልስት፡ ጥኅት፡ እንተ፡ መንገለ፡ እዕራብ፡ ይወጽእ፡ እምኔሃ፡ ጠል፡ ወዝናም፡ ወአናኩዕ፡ ወድምሳሴ።

ወእምድኅረ፡ እሉ፡ ነፋሳት፡ ዘመንገለ፡ መስዕ፡ [ ዘስሙ፡ ባሕር፡ ] እም፡ [ ፫ ] ሳብዓይ፡ ጥኅት፡ እንተ፡ መንገለ፡ እሥራቅ፡ ዘታጸንን፡ መንገለ፡ አኩብ፡ ይወጽእ፡ እምኔሃ፡ ጠል፡ ወዝናም፡ አናኩዕ፡ ወድምሳሴ።

ወእማእከላይት፡ ጥኅት፡ ርትዕት፡ ይወጽእ፡ እምኔሃ፡ ዝናም፡ ወጠል፡ ወሕይወት፡ ወሰላም፡ ወበሣልስት፡ ጥኅት፡ እንተ፡ መንገለ፡ እዕራብ፡ እንተ፡ ታጸንን፡ ለመስዕ፡ ይወጽእ፡ እምኔሃ፡ ጊሜ፡ ወአስሐትያ፡ ወሐመዳ፡ ወዝናም፡ ወጠል፡ ወአናኩዕ።

ወእምድኅረ፡ እሉ፡ [ ፬ ] ነፋሳት፡ እለ፡ መንገለ፡ እዕራብ፡ በቀዳሚት፡ ጥኅት፡ እንተ፡ ታጸንን፡ ለመንገለ፡ መስዕ፡ ወእምኔሃ፡ ይወጽእ፡ ጠል፡ ወዝናም፡ ወአስሐትያ፡ ወቀር፡ ወሐመዳ፡ ወደደክ።

ወእምኅ፡ ጥኅት፡ ማእከላይት፡ ይወጽእ፡ ጠል፡ ወዝናም፡ ሰላም፡ ወበረከት፡ ወበደኃሪት፡ ጥኅት፡ እንተ፡ መንገለ፡ አኩብ፡ ይወጽእ፡ እምኔሃ፡ የብስ፡ ወድምሳሴ፡ ሞይ፡ ወሐጉል። ወተፈጸማ፡ ፲ ወ፪ኅዋኅው፡ ዘ፬ ኅዋኅው፡ ሰማይ፡ ወኩሎ፡ ትእዛዙ፡ ወኩሎ፡ መቅሠፍቶሙ፡ ወሰላምሙ፡ አርአይኩከ፡ ወልድየ፡ ማቲሳላ።

ክፍል ፡ ፪፯፡፡

ይደውዕዎ፡ ለነፋስ፡ ቀዳማዊ፡ ጽዔዊ፡ እስመ፡ ቀዳማዊ፡ ውእቱ፡ ይደውዕዎ፡ ለካልእ፡ አኩብ፡ እስመ፡ ልዑል፡ አየ፡ ይወርድ፡ ወፈድፋድ፡ ህየ፡ ይወርድ፡ ቡሩክ፡ ለዓለም። ወለነፋስ፡ ዘእምዕራብ፡ ስሙ፡ ንቱግ፡ እስመ፡ በህየ፡ የሐፅፅ፡ ኩሎ፡ ብርሃናተ፡ ሰማይ፡ ወይወርዱ።

ወራብዕ፡ ነፋስ፡ ዘስሙ፡ መስዕ፡ ይትከፈል፡ ፫ ክፍለ፡ ፩እምኔሆሙ፡ ማኅደር፡ ለሰብእ፡ ወካልእ፡ ለአብሕርተ፡ ማያት፡ ወበቀላያት፡ ወበአም፡ ወበአፍላግ፡ ወበጽልመት፡ ወበጊሜ፡ ወሣልስ፡ ክፍል፡ በገነተ፡ ጽድቅ።

፯አድባረ፡ ነዋህነ፡ ርኢኩ፡ እለ፡ ይነውኑ፡ እምኩሎ፡ አድባር፡ እለ፡ ውስተ፡ እድር፡ ወእምኔሆሙ፡ ይወጽእ፡ አስሐትያ፡ ወየኅልፍ፡ ወየሐውር፡ መዋዕል፡ ወዘመን፡ ወዓመት።

፯አፍላግ፡ ዲቤ፡ እድር፡ ርኢኩ፡ ዐበይተ፡ እምኩሎሙ፡ አፍላግ፡ ፩እምኔሆሙ፡ ይመጽእ፡ እምዓረብ፡ ውስተ፡ ባሕር፡ ዐቢይ፡ ይክዑ፡ ማዮ።

ወእልክቱ፡ ፪ ይመጽኡ፡ እመስዕ፡ እስከ፡ ባሕር፡ ወይክዕው፡ ማዮሙ፡ በባሕር፡ ኤርትራ፡ እምሥራቅ።

ወእለ፡ ተርፋ፡ ፬ ይወጽኡ፡ በገቦ፡ መስዕ፡ እስከ፡ ባሕር፡ ዚአሆሙ፡ ባሕር፡ ኤርትራ፡ ወ፪ በባሕር፡ ዐቢይ፡ ይሰወጡ፡ በህየ፡ ወይቤሉ፡ መድበራ። ሰቡዐ፡ ደሰያተ፡ ዐበይተ፡ ርኢኩ፡ በባሕር፡ ወበምድር፡ ፪ በምድር፡ ወ፭ በባሕር፡ ዐቢይ።

ክፍል ፡ ፳፰፡፡

አስማቱ፡ ለፀሐይ፡ ከመዝ፡ ፩አርያሬስ፡ ወካልኡ፡ ቶማስ።

ወለወርኅ፡፬አስማት፡ቦቱ፡፩ ስሙ፡አሶንያ፡ወካልእ፡እብላ፡ወሣልስ፡ብናሴ፡ወራብዕ፡  
ኤራዕ፡፡  
እሉ፡እሙንቱ፡፪ብርሃናት፡ዐባይት፡ክብሮሙ፡ከመ፡ክበብ፡ሰማይ፡አምጣሂሆሙ፡  
ለክልኤሆሙ፡ዕሩያን፡፡  
በክበብ፡ፀሐይ፡፮ ክፍለ፡ብርሃን፡ዘይትዌሰክ፡ቦቱ፡እምወርኅ፡ወበመስፈርት፡  
ትትወደይ፡እስከ፡የኅልፍ፡ሳብዕ፡ክፍለ፡ፀሐይ፡፡  
ወየዐርቡ፡ወይበውኡ፡ውስተ፡ኅዋኅወ፡እዕራብ፡ወየዐውዱ፡እንተ፡መስዕ፡ወእንተ፡  
ኅዋኅወ፡ምሥራቅ፡ይወጽኡ፡ዲብ፡ገጸ፡ሰማይ፡፡  
ወሶብ፡ይትኅሣእ፡ወርኅ፡ያስተርኢ፡በሰማይ፡ወመንፈቀ፡ሳብዕ፡እደ፡ብርሃን፡ይከውን፡  
ቦቱ፡ወበዐሠር፡ወረቡዕ፡ይፌጽም፡ኩሎ፡ብርሃኖ፡፡  
ወ፫ ትኅምስተ፡ብርሃን፡ይትወደይ፡ውስቴታ፡እስከ፡ዐሠር፡ወኃምስ፡ይትፌጸም፡  
ብርሃነ፡ዚአሁ፡ለትእምርተ፡ዓመት፡ወይከውን፡፫ ትኅምስተ፡ወይከውን፡ወርኅ፡  
በመንፈቀ፡ሳብዕት፡እድ፡፡  
ወበክፀፀ፡ዚአሁ፡በቀዳሚት፡ዕለት፡የሐፀፀ፡፲ ወ፬እደ፡ብርሃነ፡ዚአሁ፡ወበሳኒታ፡  
የሐፀፀ፡፲ ወ፫እደ፡ወበሣልስ፡የሐፀፀ፡፲ ወ፪እደ፡ወበራብዕ፡የሐፀፀ፡፲ ወ፩ ክፍለ፡  
ወበኃምስ፡የሐፀፀ፡፲ ክፍለ፡ወበሳድስ፡የሐፀፀ፡፱ ክፍለ፡ወበሳብዕ፡የሐፀፀ፡፰ ክፍለ፡  
ወበሳምን፡የሐፀፀ፡፮ ክፍለ፡ወበታስዕ፡የሐፀፀ፡፮ ክፍለ፡ወበዓሥር፡የሐፀፀ፡፭ ክፍለ፡  
ወበ፲ ወ፩ የሐፀፀ፡፬ ክፍለ፡ወበ፲ ወ፪ የሐፀፀ፡፫ ክፍለ፡ወበ፲ ወ፫ የሐፀፀ፡፪ ወበ፲ ወ  
፬ የሐፀፀ፡መንፈቀ፡፮እድ፡ወኩሎ፡ብርሃኑ፡በ፲ ወ፮ ዕለት፡ይትዌዳዕ፡ዘተርፈ፡  
እምኩሎ፡፡  
ወበአውራኅ፡እሙራት፡ይከውን፡በብ፡፳ ወ፱ መዋዕል፡ለወርኅ፡ወቦ፡ጊዜ፡፳ ወ፳፡፡  
ወካልእተ፡ሥርዐተ፡አርአዖኒ፡ኡርኤል፡ሶብ፡ይትወደይ፡ብርሃን፡ውስተ፡ወርኅ፡  
ወእምኅብ፡ይትወደይ፡እምፀሐይ፡፡  
ኩሎ፡ዘመነ፡ዘተሐውር፡ወርኅ፡ብብርሃነ፡ዚአሃ፡ትወዲ፡በቅድመ፡ፀሐይ፡እስከ፡፲ ወ  
፬ መዋዕል፡ይትፌጸም፡ብርሃና፡ውስተ፡ሰማይ፡ወሶብ፡ይውዒ፡ኩሎ፡ይትፌጸም፡  
ብርሃኑ፡ውስተ፡ሰማይ፡፡  
ወቀዳሚት፡ዕለት፡ሠርቀ፡ትሰመይ፡እስመ፡በይእቲ፡ዕለት፡ይትኅሣእ፡ሳዕሌሃ፡ብርሃን፡፡  
ወይትፌጸም፡ጥንቁቅ፡በዕለተ፡ይወርድ፡ፀሐይ፡ውስተ፡ዓረብ፡ወእምነ፡እሥራቅ፡  
የዐርግ፡በሌሊት፡ወያበርህ፡ወርኅ፡በኩሎ፡ሌሊት፡እስከ፡ይሠርቅ፡ፀሐይ፡  
በቅድሜሁ፡ወይትረክይ፡ወርኅ፡በቅድመ፡ጸሐይ፡፡  
እምኅብ፡ይወጽእ፡ብርሃኑ፡ለወርኅ፡እምህየ፡ካዕብ፡የሐፀፀ፡እስከ፡ይትዌዳዕ፡ኩሎ፡  
ብርሃኑ፡ወየኅልፍ፡መዋዕለ፡ወርኅ፡ወይነብር፡ክበቡ፡በከ፡ዘእንበለ፡ብርሃን፡፡  
ወ፫ ወርኅ፡ይገብር፡፱ መዋዕለ፡በዘመነ፡ዚአሁ፡ወ፫ ወርኅ፡ይገብር፡በብ፡፳ ወ፱  
መዋዕል፡እለ፡ቦሙ፡ይገብር፡ታሕፃሊተ፡ዚአሁ፡በዘመን፡ቀዳማዊ፡ወበኖኅት፡ቀዳማዊ፡  
በመዋዕል፡፫ ወ፪ ወ፩፡፡  
ወበዘመነ፡ሙዳኡ፡፫ ወርኅ፡ያስተርኢ፡በብ፱መዋዕል፡ወ፫ ወርኅ፡ያስተርኢ፡በብ፳ ወ፱  
መዋዕል፡፡  
በሌሊት፡ያስተርኢ፡በብ፡፳ ከመ፡ብእሲ፡ወመዓልተ፡ከመ፡ሰማይ፡እስመ፡ካልእ፡  
ምንትኒ፡አልባቲ፡ዘእንበለ፡ብርሃነ፡ዚአሃ፡፡

ክፍል፡፸፱፡፡  
ወይእዜኒ፡ወልድየ፡ማቲሳሳ፡አርአይኩከ፡ኩሎ፡ወተፈጸመ፡ኩሎ፡ሥርዐተ፡  
ከዋክብት፡ዘሰማይ፡፡  
ወአርአዖኒ፡ኩሎ፡ሥርዐቶሙ፡ለእሉ፡እንተ፡በኩሎ፡መዋዕል፡ወበኩሎ፡ዘመን፡  
ዘበኩሎ፡ሥልጣን፡ወበኩሎ፡ዓመት፡ወበሙዳኡ፡ወበትእዛዙ፡በኩሎ፡ወርኅ፡  
ወበኩሎ፡ሰንበታት፡፡  
ወኅፀፀ፡ወርኅ፡ዘይትገበር፡በሳድስት፡ኖኅት፡እስመ፡በዛቲ፡ኖኅት፡ሳድስት፡ይትፌጸም፡  
ብርሃነ፡ዚአሁ፡ወእምኔሁ፡ይከውን፡ርእሰ፡ወርኅ፡፡



ወታኅዳዊት፡ ዘይትገበር፡ ቡኖኅት፡ ቀዳሚት፡ በዘመነ፡ ዚአሁ፡ እስከ፡ ይትፌጸም፡ መዋዕል፡  
 ፫ ወ ፪ ወ ፯ ወበሥርዐተ፡ ሰንበት፡ ፳ ወ ፭ ወ ፪ መዋዕል፡፡  
 ወዘየሐፅፅ፡ እምፀሐይ፡ ወበሥርዐተ፡ ከዋክብት፡ ኅሙሰ፡ መዋዕለ፡ በዘመን፡ ፩ ጥንቁቅ፡  
 ወሰበ፡ ይትፌጸም፡ ዝመኅን፡ ዘትሬኢ፡፡  
 ከመዝ፡ አርአያ፡ ወአምሳል፡ እምኲሉ፡ ብርሃን፡ ዘአርአዮኒ፡ ኡርኤል፡ መልአክ፡ ዐቢይ፡  
 ዘውእቱ፡ መራኅሊሆሙ፡፡

ክፍል፡ ፹፡፡  
 ወበውእቱ፡ መዋዕል፡ አውሥኢ፡ ኡርኤል፡ ወይቤለኒ፡ ነዋ፡ አርአይኩከ፡ ኲሎ፡  
 እሄኖክ፡ ወኲሎ፡ ከሠትኩ፡ ለከ፡ ትርአዮ፡ ለዝ፡ ፀሐይ፡ ወለዝ፡ ወርኅ፡ ወለእለ፡  
 ይመርህዎሙ፡ ለከዋክብተ፡ ሰማይ፡ ወለኲሎሙ፡ እለ፡ ይመይጥዎሙ፡ ግብሮሙ፡  
 ወአዝማኖሙ፡ ወሙዳኢሆሙ፡፡  
 ወበመዋዕለ፡ ኃጥአን፡ ክራማት፡ የሐፅራ፡ ወዘርአ፡ ዚአሆሙ፡ ይከውን፡ ደኅራዌ፡  
 በምድሮሙ፡ ወበሙፋሮሙ፡ ወኲሎ፡ ግብር፡ ዘዲበ፡ ምድር፡ ይትመየጥ፡ ወኢያስተርኢ፡  
 በዘመኑ፡ ወዝናም፡ ይትከላእ፡ ወሰማይ፡ ታቀውም፡፡  
 ወበውእቱ፡ አዝማን፡ ፍሬ፡ እድር፡ ደኃራዌ፡ ይከውን፡ ወኢይበቀኅል፡ በዘመኑ፡ ወፍሬ፡  
 ዕፅ፡ ይትከላእ፡ በዘመነ፡ ዚአሁ፡፡  
 ወወርኅ፡ ይዌልጥ፡ ሥርአቶ፡ ወኢይትረኢይ፡ በዘመነ፡ ዚአሁ፡፡  
 ወበእማንቱ፡ መዋዕል፡ ይትረኢይ፡ ሰማይ፡ ወይበጽሕ፡ ዐባር፡ በጽንፈ፡ ሰረገላት፡ ዐቢይ፡  
 በምዕራብ፡ ወይበርህ፡ ፈድፋድ፡ እምሥርዐተ፡ ብርሃን፡፡  
 ወይስሕቱ፡ ብዙኃን፡ አርእስቲሆሙ፡ ለከዋክብተ፡ ትእዛዝ፡ ወእሉ፡ ይመይጡ፡  
 ፍናዊሆሙ፡ ወግብሮሙ፡ ወኢይትረኢይ፡ በአዝማነ፡ ዚአሆሙ፡ እለ፡ ተአዘዙ፡ ሎሙ፡፡  
 ወኲሎ፡ ሥርዐተ፡ ከዋክብት፡ ይትዐፀው፡ ሳዕለ፡ ኃጥአን፡ ወሕሊናሆሙ፡ ለእለ፡ ይነብሩ፡  
 ዲበ፡ ምድር፡ ይስሕቱ፡ ዲቤሆሙ፡ ወይትመየጡ፡ እምኲሉ፡ ፍናዊሆሙ፡ ወይስሕቱ፡  
 ወይመስዎሙ፡ አማልክተ፡፡  
 ወይበዝኅ፡ ሳዕሌሆሙ፡ እከይ፡ ወመቅሠፍት፡ ይመጽእ፡ ዲቤሆሙ፡ ከመ፡ ያኅጉሎሙ፡  
 ለኲሎሙ፡፡

ክፍል፡ ፹፩፡፡  
 ወይቤለኒ፡ እሄኖክ፡ ነጽር፡ መጽሐፈ፡ ዘጸፍጸፈ፡ ሰማይ፡ ወአንብብ፡ ዘጽሑፍ፡  
 ዲቤሆሙ፡ ወእእምር፡ ኲሎ፡ ፩፩፡፡  
 ወነጸርኩ፡ ኲሎ፡ ዘጸፍጸፈ፡ ሰማይ፡ ወአንብብኩ፡ ኲሎ፡ ዘጽሑፍ፡ ወእእመርኩ፡ ኲሎ፡  
 ወአንብብክዋ፡ ለመጽሐፍ፡ ወኲሎ፡ ዘጽሑፍ፡ ውስቴታ፡ ኲሎ፡ ምግባሮሙ፡ ለሰብእ፡  
 ወኲሎ፡ ውሉደ፡ ሥጋ፡ ዘዲበ፡ እድር፡ እስከ፡ ትውልደ፡ ዓለም፡፡  
 ወእምዝ፡ ሰቤሃ፡ ባረክዎ፡ ለእግዚእ፡ ለንጉሠ፡ ስብሐት፡ ዘለዓለም፡ በከመ፡ ገብረ፡ ኲሎ፡  
 ግብረ፡ ዓለም፡ ወሰባሕክዎ፡ ለእግዚእ፡ በእንተ፡ ትእግሥቱ፡ ወባረኩ፡ ዲበ፡ ውሉደ፡  
 ዓለም፡፡  
 ወይእተ፡ ጊዜ፡ እቤ፡ ብፀዕ፡ ብእሲ፡ ዘይመውት፡ እንዘ፡ ጻድቅ፡ ውኔር፡ ወኲሎ፡  
 መጽሐፈ፡ ዐመፃ፡ ዘኢተጽሕፈ፡ ዲቤሁ፡ ወኢተረክበ፡ ጌጋይ፡ ሳዕሌሁ፡፡  
 ወእሙንቱ፡ ፫ ቅዱሳን፡ አቅረቡኒ፡ ወአንበሩኒ፡ ውስተ፡ እድር፡ በቅድመ፡ ጥኅተ፡ ቤተዮ፡  
 ወይቤሉኒ፡ አይድዕ፡ ኲሎ፡ ለማቲሳሳ፡ ወልድከ፡ ወአርኢ፡ ለኲሎሙ፡ ውሉድከ፡ ከመ፡  
 ኢይጸድቅ፡ ኲሎ፡ ዘሥጋ፡ በቅድመ፡ እግዚእ፡ እስመ፡ ውእቱ፡ ፈጠሮሙ፡፡  
 ፩ ዓመተ፡ ነኅድገከ፡ በኅበ፡ ውሉድከ፡ እስከ፡ ካዕበ፡ ትዔዝዝ፡ ከመ፡ ትምህርሙ፡  
 ለውሉድከ፡ ወትጽሑፍ፡ ሎሙ፡ ወታስምዕ፡ ሎሙ፡ ለኲሎሙ፡ ውሉድከ፡ ወበካልእ፡  
 ዓም፡ ይነሥኡከ፡ እማእከሎሙ፡፡  
 ይጽናዕ፡ ልብከ፡ እስመ፡ ኄራን፡ ለኄራን፡ ያየድዑ፡ ጽድቅ፡ ጻድቅ፡ እስለ፡ ጻድቅ፡  
 ይትፌሳከ፡ ወይትአምኑ፡ በበይናቲሆሙ፡፡  
 ወኃጥእ፡ እስለ፡ ኃጥእ፡ ይመውት፡ ወምደጥ፡ ምስለ፡ እደጥ፡ ይሠጠም፡፡

ወእለ፡ ይገብሩ፡ ጽድቅ፡ ይመውቱ፡ በእንተ፡ ምግባረ፡ ሰብእ፡ ወይትጋብኡ፡ በእንተ፡ እግ  
 ባሮሙ፡ ለረሲዓን፡፡  
 ወበእማንቱ፡ መዋዕል፡ ፈጸሙ፡ እንዘ፡ ይትናገሩ፡ ምስሌዎ፡ ወቦእኩ፡ ኅብ፡ ሰብእዎ፡ እንዘ፡  
 እባርኮ፡ ለእግዚአ፡ ዓለማት፡፡

ክፍል፡ ፹፪፡፡  
 ወይእኬኒ፡ ወልድዎ፡ ማቲሳሳ፡ ኩሎ፡ እሳንተ፡ ለከ፡ እነግር፡ ወእጽሕፍ፡ ለከ፡ ወኩሎ፡  
 ከሠትኩ፡ ለከ፡ ወወሀብኩከ፡ መጻሕፍቲሆሙ፡ ለእሉ፡ ኩሎሙ፡ ፤ ዕቀብ፡ ወልድዎ፡ ማቲሳሳ፡  
 መጻሕፍተ፡ እዴሁ፡ ለአቡከ፡ ወከመ፡ ተሀብ፡ ለትውልደ፡ ዓለም፡፡

ጥበብ፡ ወሀብኩ፡ ለከ፡ ወለውሉድከ፡ ወለእለ፡ ይከውኑ፡ ለከ፡ ውሉደ፡ ከመ፡ የሀቡ፡  
 ለውሉደሙ፡ ለትውልደት፡ እስከ፡ ለዓለም፡ ለዛ፡ ጥቡብ፡ ዲብ፡ ሕሊናሆሙ፡፡  
 ወኢይካውሙ፡ እለ፡ ይሌብውዋ፡ ወያፀምኡ፡ በእዝኖሙ፡ ከመ፡ ይትመሀርዋ፡ ለዛ፡  
 ጥበብ፡ ወትደልዎሙ፡ እመባልዕት፡ ሠናያት፡ ለእለ፡ ይበልዑ፡፡

ብፁዓን፡ ጸድቃን፡ ኩሎሙ፡ ብፁዓን፡ ኩሎሙ፡ እለ፡ የሐውሩ፡ በፍኖተ፡ ጽድቅ፡  
 ወአልቦሙ፡ ኅጢአት፡ ከመ፡ ኃጥኣን፡ በኅልቁ፡ ኩሎ፡ መዋዕሊሆሙ፡ ለዘየሐውር፡  
 ፀሐይ፡ በሰማይ፡ በአናቅጽ፡ ይበውእ፡ ወይወጽእ፡ ፴ ዕለተ፡ እስለ፡ አርእስተ፡ ፲፱፡  
 ዝሥርዐቶሙ፡ ለከዋክብት፡ እስለ፡ ፬እለ፡ ይትዌሰኩ፡ ወይሌልዩ፡ ማእከለ፡ ፬ ክፍለ፡  
 ዓመት፡ እለ፡ ይመርህዎሙ፡ ወምስሌሆሙ፡ ይበውኡ፡ ፬ መዋዕለ፡፡

በእንቲአሆሙ፡ ይጌግዩ፡ ሰብእ፡ ወኢየሐስብዎሙ፡ በሐሳብ፡ ኩሎ፡ ዓለም፡ እስመ፡ ይጌግ  
 ይዎሙ፡ ወኢየአምርዎሙ፡ ሰብእ፡ ጥንቁቅ፡፡  
 እስመ፡ ሀለው፡ በሐሳብ፡ ዓመት፡ ወአማን፡ ልኩዓን፡ እሙንቱ፡ ለዓለም፡ ፩ በቀዳሚት፡  
 ጥኅት፡ ወ ፩ በሣልሲት፡ ወ ፩ በራብዕት፡ ወ ፩ በሳድስት፡ ወይትፈጸም፡ ዓመት፡ በመዋዕል፡  
 ፫፻ ወ ፰ ወ ፩፡፡

ወአማን፡ ነገሩ፡ ወጥንቁቅ፡ ሐሳብ፡ ዘልኩዕ፡ እስመ፡ ለብርሃናት፡ ወለአውራኅ፡  
 ወለበዓላት፡ ወለክራማት፡ ወለመዋዕል፡ አርአዮሲ፡ ወነፍሐ፡ ዲቤዎ፡ ኡርኤል፡ ዘአዘዞ፡  
 ሊተ፡ እግዚአ፡ ኩሎ፡ ፍጥረተ፡ ዓለም፡ በኅይለ፡ ሰማይ፡፡

ወሥልጣን፡ ቦቱ፡ በሌሊት፡ ወበመዓልት፡ ውስተ፡ ሰማይ፡ ከመ፡ ያርኢ፡ ብርሃነ፡ ዲብ፡  
 ሰብእ፡ ፀሐዩ፡ ወወርኅ፡ ወከዋክብተ፡ ወኩሎሙ፡ ሥልጣናተ፡ ሰማይ፡ እለ፡ ይትመዋጡ፡  
 በክብሩ፡፡

ወዛቲ፡ ይእቲ፡ ሥርዐተ፡ ከዋክብት፡ እለ፡ የዐርብ፡ በመካናቲሆሙ፡ ወበአዝማኒሆሙ፡  
 ወበበዓላቲሆሙ፡ ወበአውራኅሆሙ፡፡  
 ወእሉ፡ አስማቲሆሙ፡ ለእለ፡ ይመርህዎሙ፡ ለእለ፡ የዐቅብ፡ ወይበውኡ፡ በአዝማነ፡  
 ዚአሆሙ፡ ወበሥርዐታቲሆሙ፡ ወበጊዜያቲሆሙ፡ ወበአውራኅሆሙ፡፡

ወበሥልጣናቲሆሙ፡ ወበምቅዋማቲሆሙ፡፡  
 ፬ መራኅያሊሆሙ፡ ይበውኡ፡ ቀዳሚ፡ እለ፡ ይሌልዩ፡ ፬ ክፍለ፡ ዓመት፡ ወእምድኅሬሆሙ፡  
 ፲ ወ ፪ መራኅያን፡ ዘሥርዐታት፡ እለ፡ ይሌልዩዎሙ፡ ለአውራኅ፡ ወለዓመት፡ ፫፻ ወ ፰ ወ  
 ፬እስለ፡ አርእስተ፡ ፲፱እለ፡ ይፈልጥዎሙ፡ ለመዋዕል፡ ወለ ፬ እለ፡ ይትዌሰኩ፡ ዲቤሆሙ፡  
 እለ፡ ይፈልጡ፡ መራኅያን፡ ፬ መክፈልተ፡ ዓመታት፡፡

ወእሙንቱ፡ አርእስተ፡ ፲፱ ማእከለ፡ መራሒ፡ ወተመራሒ፡ ይትዌሰክ፡ ፩ በድኅረ፡  
 እቅዋም፡ ወመራህያሊሆሙ፡ ይፈልጡ፡፡  
 ወእሉ፡ አስማቲሆሙ፡ ለመራኅያን፡ እለ፡ ይፈልጡ፡ ፬ መክፈልተ፡ ዓመት፡ እለ፡ ሥሩዓን፡  
 ምልክኤል፡ ወህልእምሜሌክ፡ ወሜልኤዎል፡ ወናሬል፡፡

ወአስማቲሆሙ፡ ለእለ፡ ይመርህዎሙ፡ አድናርኤል፡ ወኢየሱሳኤል፡ ወኢይሉሚኤል፡  
 እሉ፡ ፫እለ፡ ይተልው፡ ድኅሬሆሙ፡ ለመራሕያነ፡ ሥርዐታት፡ ወ ፩ ዘይተሉ፡ ድኅረ፡ ፫  
 መራኅያነ፡ ሥርዐታት፡ እለ፡ ይተልው፡ ድኅረ፡ እልክቱ፡ መራሕያነ፡ እቅዋማት፡ እለ፡  
 ይፈልጡ፡ ፬ ክፍለ፡ ዓመት፡፡

በቅድመ፡ ዓመት፡ ቀዳማዊ፡ ይሠርቅ፡ ወይመልክ፡ ምልክያል፡ ዘይሰመይ፡ ስሙ፡ ተመዓኒ፡  
 ወፀሐዩ፡ ወኩሎሙ፡ መዋዕላት፡ ዘበሥልጣነ፡ ዚአሁ፡ እለ፡ ይመልክ፡ ፯ ወ ፩ ዕለት፡፡

ወእሉ፡ ትእምርተ፡ መዋዕል፡ እለ፡ ሀለው፡ ያስተርእዩ፡ ዲበ፡ እድር፡ በመዋዕለ፡ ሥልጣነ፡  
 ዚአሁ፡ ሐፍ፡ ወሞቅ፡ ወሐዘን፡ ወኩሎሙ፡ ዕፀው፡ ይፈርዩ፡ ወቁጽል፡ ይወጽእ፡  
 በኩሉ፡ ዕፀው፡ ወሚእረረ፡ ሥርናይ፡ ወጽጌ፡ ረዳ፡ ወኩሉ፡ ጽጌያት፡ ይጸግዩ፡ በገዳም፡  
 ወዕፀው፡ ክረምት፡ ይደብሱ፡፡  
 ወእሉ፡ አስማቲሆሙ፡ ለመራኅያን፡ እለ፡ መትሕቲሆሙ፡ ብርክኤል፡ ዘልብሳኤል፡  
 ወካልእ፡ ዘይትዌሰክ፡ ርእሰ፡ ፲፱ ስሙ፡ ሄሎያሴፍ፡ ወተፈጸመ፡ መዋዕለ፡ ሥልጣኑ፡ ለዝ፡፡  
 ካልእ፡ መራኅ፡ ዘድኅረሆሙ፡ አልዕምሜሌክ፡ ዘይጼውዕዎ፡ ስሞ፡ ፀሐየ፡ ብሩሐ፡  
 ወኩሉ፡ መዋዕለ፡ ብርሃኑ፡ ፯ ወ ፩ ዐለት፡፡  
 ወእሉ፡ ትእምርተ፡ መዋዕል፡ በዲበ፡ እድር፡ ሐሩር፡ ወየብስ፡ ወዕፀው፡ ያወጽኡ፡  
 ፍሬሆሙ፡ ርሱነ፡ ወብሱለ፡ ወይሁብ፡ ፍሬሆሙ፡ ይደብስ፡ ወአባግዕ፡ ይታለዋ፡ ወይጸንሳ፡  
 ወያስተጋብኡ፡ ኩሎ፡ ፍሬ፡ እድር፡ ወኩሎ፡ ዘሀሎ፡ ውስተ፡ ገራውህ፡ ወምክያደ፡  
 ወይን፡ ወይከውን፡ በመዋዕለ፡ ሥልጣኑ፡፡  
 ወእሉ፡ እሙንቱ፡ ስሞሙ፡ ወሥርዐቶሙ፡ ወመራኅያኒሆሙ፡ እለ፡ መትሕቲሆሙ፡  
 ለእሉ፡ አርእስተ፡ ፲፱ ጌዳኤል፡ ወኬኤል፡ ወሄኤል፡ ወስሙ፡ ለዘይትዌሰክ፡ እስሌሆሙ፡  
 ርእሰ፡ ፲፱ አስፋኤል፡ ወተፈጸመ፡ መዋዕለ፡ ሥልጣኑ፡ ዚአሁ፡፡